


大清會典

祭祀行禮圖



祭祫禘禮圖



關帝廟位次

後殿

裕昌公位
光昭公位
成忠公位

案祝

司香
司帛
司贊
祝讀

司香
司帛
司贊
祝讀

前殿

饌桌
關聖大帝位

案祝

祝讀

司香
司帛
司贊
祝讀

關帝廟

齊祭
十

關帝廟前殿正中一龕。

忠義神武靈佑關聖大帝位南嚮。籩豆案一。後殿三龕。


光昭公位中。

裕昌公位左。

成忠公位右。均南嚮。籩豆案三。前殿案東旁饌桌一。案前少西祝案一。均南嚮。東尊桌一。西嚮。抱厦內正中。為承祭官拜位。北嚮。讀祝官一人。立於祝案之西。東面。司香司帛司爵各一人。立於尊案之東。西面。典儀一人。立於殿外東階。西面。

東西階上設樂。均北嚮。掌燎官率燎人立於燎鑪之南。北面。後殿不設饌桌。不設樂。中案前少西祝案一。南嚮。東尊桌二。西尊桌一。東西嚮。簷下正中。為承祭官拜位。北嚮。司香司帛司爵東各二人。西各一人。立於東西尊桌之次。東西面。讀祝典儀掌燎。均如前殿。

關帝廟春秋祭陳設



關帝廟前殿春秋二仲月致祭。籩豆案上。登一。鉶二。簋二。籩十。豆十。案前俎一。中區為三。實牛一。羊一。豕一。又前香几。設銅鑪一。香靠具。鐙几。設燭臺二。其帛篚一。銅爵三。先設尊桌上。奠獻。皆奠於籩豆案。五月十三日致祭。設果案一。上設果盤五。實核桃。荔枝。龍圓。紅棗。栗。不設饌桌。其祝案及俎鑪燭臺。與春秋致祭同。


文昌廟前殿正中一龕。

文昌帝君位。南嚮。春秋致祭。設籩豆案一。案前俎一。中區為三。實牛一。羊一。豕一。又前高鑪几。設

銅鑪一。香靠具。高鐙几。設燭臺二。高瓶几。設花瓶。插貼金木靈芝二。其祝案尊桌饌桌。承祭官各執事位次。案上登鉶簋籩豆陳設。均與

關帝廟前殿春秋致祭同。

關帝廟後殿春秋祭陳設



關帝廟後殿春秋二仲月致祭籩豆案三每案均設釶二籩二簋二籩八豆八案旁各設饌盤一案前俎各一皆中區為二實羊一豕一又前香案各一均設銅鑪一香靠具燭臺二花瓶二插貼金木靈芝各一每案帛筐一銅爵三先各設尊桌上奠獻各奠於籩豆案五月十三日致祭設果案三每案果實五盤不設饌盤其祝案及俎鑪燭臺與春秋致祭同

文昌廟後殿正中一龕

文昌帝君先代神位南嚮春秋致祭設籩豆案一

案前俎一。中區為二。實羊一豕一。鑪几。鐙几。瓶几。祝案。尊桌。與前殿同。不設饌桌。承祭官各執事位次。案上。銅簋。簠。籩。豆。陳設。均與關帝廟後殿春秋致祭同。惟司香。司帛。司爵各一人。

火神廟。殿內正中一龕。

火神位。南嚮。六月二十三日致祭。設果案一。俎一。

與

關帝廟前殿五月十三日致祭同。鑪几。鐙几。瓶几。

與

文昌廟前殿同。大門內正中。設鐵燎鑪一。殿內正中。為承祭官拜位。北嚮。其祝案。尊桌。各執事位次。果盤俎實。均與

關帝廟前殿同。不設饌桌。和聲署設慶神歡樂於西階下。

東嶽廟。正殿一龕。

東嶽大帝位。南嚮。

萬壽聖節致祭。設果案一。果盤五。案前俎一。中區為三。實牛一。羊一。豕一。又前香案一。設鑪一。香靠具。燭臺二。花瓶二。插貼金木靈芝各一。階上正

中。為承祭官拜位。其祝案尊桌及各執事位次。
與

文昌廟同。和聲署設慶神歡樂於西階上。
顯佑宮。正殿一龕。

北極佑聖真君位。南嚮。

萬壽聖節致祭。設茶案一。三獻茶。瓊三。果案一。設果
盤五。實核桃。荔枝。龍圓。棗。栗。饅首盤五。盤實饅
首二十。蒸饊盤五。盤實蒸饊九。餅盤四。盤實餅
二十五。頂花盤一。實大寶糴花一。前香案一。設
香鑪一。香靠具。燭臺二。少西祝案一。南嚮。東設

香帛案一。西嚮。殿內正中。為承祭官拜位。北嚮。
司香司帛司瓊各一人。立於香帛案之東。西面。
讀祝典儀掌燎各位次。與

關帝廟同。和聲署設慶神歡樂於西階上。

都城隍廟。正殿一龕。

都城隍神位。南嚮。邊豆案一。俎一。

萬壽聖節致祭。陳設與

東嶽廟同。秋季致祭。邊豆案上。設劔二。簋二。簋二。
邊十。豆十。案東旁設饌桌一。其香案祝案尊桌
各執事位次。均與

東嶽廟同。殿外抱厦內正中。為承祭官拜位。北嚮。

黑龍潭

龍神祠。東嚮。殿內一龕。

昭靈沛澤龍王位。東嚮。春秋二仲月致祭。籩豆案一。設籩二。簋二。籩十。豆十。案前俎一。中區為二。實羊一。豕一。又前石五供。設鑪一。香靠具。燭臺二。花瓶二。插貼金木靈芝各一。案北旁饌桌一。案前少南祝案一。東嚮。北設尊桌一。南嚮。抱厦內正中。為承祭官拜位。西嚮。讀祝官一人。立於祝案之南。北面。司香司帛司爵各一人。立於尊

桌之北。典儀一人。立於殿外北階。均南面。和聲署設慶神歡樂於南階上。掌燎官率燎人立於殿左燎鑪之東。西面。玉泉山

龍神祠。東嚮。殿內一龕。

惠濟慈佑靈護龍王位。東嚮。春秋二仲月致祭。位次陳設。與黑龍潭

龍神祠同。惟俎前用香几一。鐙几二。瓶几二。階下正中。為承祭官拜位。西嚮。祭

礮神。每歲季秋蘆溝橋演放礮位日。橋西席地為壇。陳八旗礮位於壇內。按翼左右序列。均西嚮。

礮位前設

神座桌各一。供設

關帝五火城隍六燾火速馬王土地軍牙之神位。爵案各一。設紅油錫瓊三十。豫實以酒。俎各二。實羊一豕一。香案各一。設鑪一。香靠具。燭臺二。護以紅紙鐵絲燈罩。拜毯各一。鑲黃旗壇位前少北。祝案一。西嚮。南設尊桌一。錫尊左三壇。右四壇。各設尊桌一。各一。錫尊壇前各設燎鑪一。各香案前正中。為承祭官拜位。拜毯後左右。為陪祀官拜位。均東嚮。讀祝官一人。立祝案之次。南面。

司香司爵各一人。立尊桌之次。典儀一人。立於壇左。均北面。掌燎官率燎人立於燎鑪之左。每壇紅油錫爵三。先各設尊桌上。三獻各奠於爵案。祭

子母礮神惟一壇。

神座桌。爵案。俎。香案。尊桌。燎鑪。各一。餘位次陳設俱同。凡有興作。祭

司土

司工於營造所。左右二壇。祭

窰神於琉璃窰。祭

門神於迎吻所經之門。均以織葦為殿。圖繪結綵。神位前各設懷桌一。果案一。上設饅首五盤。餅四盤。蒸饊五盤。高頂一盤。荔枝一盤。龍圓一盤。核桃一盤。紅棗一盤。栗一盤。案前俎一。中區為二。實羊一豕一。又前香案一。設鑪一。香靠具。燭臺二。正中少右祝案一。右設尊桌一。接桌一。其爵三。先設尊桌上。三獻奠於懷桌。帛匣一。先設接桌上。奠帛奠於案正中。祭棚香案前正中。為承祭官拜位。讀祝官一人。立於祝案之右。司香司帛司爵各一人。立於尊接桌之左。典儀一人。立

於棚外之左。掌燎官率燎人立於燎鑪之次。和聲署設樂於各壇前。工竣致祭亦如之。



